

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 827788 25 I 2
Sarajevo, 26.06.2026. godine

Općinski sud u Sarajevu, sudija Selma Beširević-Nurković, u izvršnom postupku tražioca izvršenja D.O.O. za trgovinu i usluge „Selinaj“ Brčko distrikt Dubrave iz Brčkog, tržnica Arizona cjelina 15 A-1, koga zastupa punomoćnik Hadžimuhović Kenan, advokat iz Sarajeva, protiv izvršenika N.V. iz Sarajeva, radi izvršenja, v.s.p. 7.518,14 KM, a na osnovu čl. 130. Zakona o izvršnom postupku FBiH, br. 32/03 i 33/06), donosi

ZAKLJUČAK
- o prodaji pokretnih stvari –

ODREĐUJE SE drugo ročište za prodaju pokretnih stvari izvršenika javnim nadmetanjem/neposrednom pogodbom za dan **petak, 03.07.2026. godine u 9,00 sati** koje će se održati u Općinskom sudu u Sarajevu, ulica Šenoina broj 1, soba 454/IV, taksativno navedenih kako slijedi:

1. Trosjed bež boje	1.000,00 KM
2. Dvosjed bež boje	800,00 KM
3. Fotelja bež boje	500,00 KM
4. Stakleni kub stol	300,00 KM
5. Televizija marke „Telefunken“	300,00 KM
6. Stakleni trpezarijski stol	400,00 KM
7. Stolice crvene 6 komada	300,00 KM
8. Drvena komoda	300,00 KM
9. Trokrilni američki plakar, drveni	700,00 KM
10. Stol za masažu	500,00 KM

Ukupno: 5.100,00 KM

Zaključno sa rednim brojem 10 (deset).

1. Rješenjem ovog suda broj 65 0 I 827788 25 I 2 od 07.05.2025. godine (pravosnažno sa danom 05.06.2025. godine), određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je sudski izvršilac dana 17.12.2025. godine obavio pljenidbu pokretnih stvari izvršenika, o čemu je sastavio pljenidbeni popis. Zaplijenjene pokretne stvari ostavljene su na čuvanje izvršeniku uz zabranu daljeg raspolaganja i omogućavanja nesmetanog razgledanja stvari potencijalnim kupcima. Istovremeno je sudski izvršilac procijenio vrijednost svake pojedinačne zaplijenjene pokretne stvari.

3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Sud će u smislu člana 77. Zakona o izvršnom postupku u vezi sa članom 135. istog zakona zaključkom na zahtjev zainteresovanog lica omogućiti razgledavanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršitelja. Navedeni zahtjev mora biti podnesen u pisanoj formi 8 dana prije održavanja ročišta.

5. Na drugom ročištu za prodaju pokretnih stvari javnim nadmetanjem, pokretna stvar koja je predmet prodaje se može prodati bez ograničenja u pogledu iznosa njene cijene.

6. Ponuđač sa najvećom ponudom će platiti cijenu za pokretnu stvar, odmah nakon objavljivanja rezultata.
Po uplati cijene Sud će donijeti rješenje o dosudi a potom i rješenje o namirenju.

7. Ako pokretne stvari ne budu prodane na drugoj prodaji putem javnog nadmetanja ili neposredne pogodbe Sud će obustaviti postupak.

8. Na javnom nadmetanju kao kupci mogu učestvovati samo lica koja su prethodno dala osiguranje koje iznosi jednu desetinu utvrđene vrijednosti pokretne stvari koja se želi kupiti, s tim da iznos osiguranje ne može preći iznos od 10.000,00 KM.

Uplata osiguranja se vrši na depozitni račun Općinskog suda Sarajevo broj **1 4 1 1 9 6 5 3 2 0 0 9 6 3 9** kod: **BOSNA BANK INTERNATIONAL DD SARAJEVO**, sa naznakom broja predmeta.

Ovaj Zaključak objavit će se na oglasnoj ploči Općinskog Suda Sarajevo, a tražilac izvršenja može o svom trošku Zaključak o prodaji pokretnih stvari izvršenika objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja da ima u vidu to da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima, smatra se da takva prva trećih ne postoje i da je izvršenik vlasnik stvari koje se nalaze u njegovom posjedu.

Pokretna stvar koja je predmet prodaje može se prodati bez ograničenja u pogledu iznosa njene cijene.

SUDIJA
Selma Beširević-Nurković

POUKA: Protiv ovog zaključka nije dozvoljen pravni lijek.